

梁

園

風

雅

梁園風雅目錄

謝四溟

五言古詩

九首

七言古詩

三十七首

五言律詩

一百九十七首

七言律詩

一百二十五首

五言排律

四十三首

七言排律

六首

五言絕句

五十九首

七言絕句

八十三首

梁園風雅卷二十二

雍丘趙

東郡汪元范明生校

謝四溟

五言古詩

少林感舊篇因示鎮性禪子兼憶宗書上人

蒼蒼列峰巒鬱鬱挺松栢少林當形勝登攀幾詞  
客中有惠遠流舊識非凡格謂我猶疎曠一訝頭  
全白澹交偶爾忘相對復疇昔人生若沙鳥飛去

不言迹因之憶汝祖談禪坐深夕山精出陰崖天  
花沒亂石寸心千佛間空然湛秋碧杖錫何所歸  
西方路咫尺兩神有時會冥漠自無隔重來失暄  
景歲寒大蕭索雨雪命巾車相望洛城陌

佛光寺

舊遊多凋殘獨幸老無恙西來窮勝迹山色資幽  
况林麓聞鐘聲尋彼達公行殿前羅羣松殿後起  
壘嶂闍黎指顧間頓悟默相向萬佛具一心空然  
了無相豈待入定時而能斷諸妄須彌在咫尺焉  
能飛錫杖明發勿復言千崖從茲上

得王希元書有感

客子寄書來關山正雨雪恍如對面時翻然幾披  
閱凍筆揮亦難言之意彌切驛樹共蕭條而能念  
薄劣我今知爾心可置管鮑列人生多交遊但恐  
久離別盛年擬會期白首獨愁絕有懷空自歌月  
明誰擊節

有感

白雲起西山悠悠上無極鴻鵠從之飛終朝殊不  
息浮雲安可長羽毛自珍惜倦來樓中林回頭顧  
矐弋誰能測憂心孤鳴日將夕

冬日有感

山高慎顛崖天寒惜短晷嗟彼浮世人勞生幾悲  
喜勲業良可圖智能焉足恃淒其曉霜下北風亦  
何駛塞門日吹笳感愴荷戈子將相各憂心誰甘  
老桑梓不見完名者海上二疏美時復延舊遊杯  
中有妙理白雲半空間澹然映流水

雨中宿榆林店有感

涼雨何冥冥黑雲復浩浩山行夜不休嶮巇猶蜀  
道我非王程迫胡爲役衰老數口遠相將未必常  
溫飽投彼敝屋間蕪穢不及掃園荒無主人馬散

齧秋草席地卽吾廬餘生聊自保隔林乞火回酌  
酒慰懷抱愚者昧所適哲人見幾早反爲細君嗤  
寧如在家好

登樓望秋山

登樓望秋山薄暮有佳色秀拔殊自然重之煙霞  
飾衆鳥各知歸行人早棲息勞生詞賦間客愁復  
何極高哉劉伯倫獨能頌酒德幾時偃荆扉養心  
在冲默

寄拙園有感

吾生巧與拙兩端不俱存老有至拙處對人莫能

言守拙嬾爲主况復居此園奚奴亦習嬾中庭蕪  
穢繁皎月照我牀清風吹我軒貴心不貴迹達人  
方可論

夜會遜軒昆季因憶嬾雲上人得雞字

客居此城市勝遊祇招提中有一緇流名與惠達  
齊坐談每深夕道味甘鹽齏雨花積牀前法雲落  
松西石龕出慧燈一光破萬迷嗟哉寂滅後斜月  
空禪樓

七言古詩

題香山禪院示玉峰上人



清秋策馬湖西路孤寺鳴鐘山欲暮偶逢老衲是同鄉相對不言中有悟人生自抱摩尼珠乾坤誰種菩提樹何勞長檢貝葉經如來在心非在形蒲團坐久忘爾我不知草蟲喧戶庭夜半無燈亦無月簷前松栢何青青

弔古戰場

行行路何長驅馬來窮荒征伐幾興替空餘古戰場連天白草動寒色拂地皂鵑盤夕陽漠漠黃沙埋枯骨終宵無定鬼火光四野征旗但雲霧千年殺氣餘風霜裂土封侯殊有志力平北虜使西羌

將軍失律萬夫死惜哉祇飽虎與狼生男胡爲事  
戎行爺娘不見增悲傷深閨慟哭罷刀尺爲誰燈  
下縫衣裳託心夢寐恍一見安得招魂還故鄉薄  
伐太原自中策秦皇漢武開邊疆至今烽燧尚多  
警長城萬里徒周防翻然挽轡獨歸去浩歌倚劍  
天蒼涼

送楊負外子畏之江東

龍劍千里神相通心如不在離合中都亭久別今  
一晤美人又去長江東帆外水天渺無際白波如  
練搖丹楓闔門樽酒復誰同孤懷慘淡生秋風亂

草已非伍胥宅百花曾繞吳王宮霸圖往事但明月浩歌五湖惟釣翁虎丘憑高正慨古飛鳥遠沒蒼煙空莫忘詞客疎幽意老却春洲芳杜叢

登盤山絕頂謁黃龍祖師祠

薊北來遊第一山上連七十二禪關人行巨壑泉聲裏馬度層崖雲氣間石徑蕭蕭松吹冷萬折千迴臨絕頂鐘響時傳下界遙鳥飛不到諸天迴無勞漢使泛槎心揮手銀河能幾尋歷歷邊城紛蟻垤明明滄海一牛涔老僧笑指煙霞外此意沉冥誰與會風生平地本無因雲點太清猶是礙弔古

躑躅空石堂黃龍西去杳茫茫珠林不見菩提影  
寶塔長含舍利光壁塵拂去獨留賦下嶺回看迷  
曉霧放浪人間那復來月明夢繞盤山路

送劉戶曹成卿使荆楚

帝將北伐歲云暮使者南征三楚賦借問何人當  
此行東平文學今劉楨朔塞風塵暗赤縣中原戎  
馬疲蒼生飛旌直下武昌道黃鵠磯頭見春草仙  
侶不來空倚樓漢江東流波浩浩孤鳳叫天天上  
聞野田鳥雀何紛紛湘竹遙連洞庭雨衡山半落  
蒼梧雲雲岑煙樹莽相似猿聲至今悲帝子有才

偏抱千古愁片月多情照湖水國計艱難非昔時  
君今肯醉習家池無限楚歌入苦調秋風獨遣騷  
人知

送別趙郎中伯一

龍潛泥淖不損靈一朝颺起驅雷霆如君落落負  
奇氣詎令旅鬢徒星星世無孔融獨惆悵誰憐張  
儉尚飄零函關西望不可到安得青山長寄傲野  
圃風淒種藥欄石房月冷燒丹竈向來脫略無宦  
情黃金散盡仍燕城逢人動有不平氣悲歌對酒  
發秦聲君不見蚌有明珠應被剖鳥緣翠羽難全

生中懷此去復何道客路艱虞易衰老王屋山頭  
一振衣披雲自拾金光草

少女詞

妾家近住都門下今日何辜來朔野不隨姊妹並  
乘龍翻與胡兒同躍馬馬上歸心數向南故園桑  
葉廢春蠶長顰翠黛愁無那暗落鉛華瘦不堪不  
堪對月空淒切屈指清光幾圓缺道路空迷古塞  
雲衣裳猶帶陰山雪雪後驚看鴻雁回隔河羌笛  
使人哀龍沙三月無青草莫向春風怨落梅

題山水圖送包運司庸之赴蘆臺

披心清徹冰雪壺揮毫妙絕江山圖包生好古求真迹名齊顧凱遊京都四明畫手不易得秋水晴嵐無多墨極天形勝隨意生半壁低橫萬里色兼葭浦漱蒼煙深上有參差楓樹林虛堂時時動風雨波底恍若蛟龍吟一掃冰綃幽興發筆奪造化古人列吾將垂釣君宦遊扁舟獨嘯五湖月送君驛路別愁新北望偏傷客子神鳴鞭歲晚長蘆去芳草相思春復春

送周一之從大將軍出塞

長劒斫山石可摧勁弓射海波能開宿昔相逢重

然諾意氣干霄不可回酒酣獨上黃金臺吳歌忽  
斷天風來曾笑要離空俠節復輕郭隗非奇才二  
十餘年滯京國俗塵總不開胸臆一朝長揖大將  
軍材官相顧無顏色丈夫穎脫自有時百年遭際  
幾相知陳琳倚馬能成檄王粲從軍還賦詩昨夜  
秋風吹大旗據鞍喜動幽并兒鐵騎連營亘千里  
餽餉日日無停期喧闐笳鼓長城路沙擁潮河仍  
北渡殺氣遙沉白馬開幕雲橫斷黃花戍單于已  
遯尚屯兵嫖姚看逐西山兔閨中月照流黃機應  
念征人犯霜露



雪夜過李于鱗宅適已醉臥因留宿作

雪天騎馬禁城隈何意中宵官舍開太白醉眠呼  
不起惠連賦就却空來滿城朔氣侵人骨試問宮  
梅幾枝發上苑寒生千樹雲西山暗落三更月起  
來風物重淒淒門外日高鴉亂啼共倒清尊不歸  
去長安陌上踏春泥

陶淵明圖爲楊考功虛卿題

異代知心不識面年書甲子甘貧賤孤雲橫天高  
莫攀白石在水清自見徵君沒後柴桑空千古猶  
存五柳傳彤庭九錫加寄奴典午山河王氣變南

國從教麟鳳歸中原不息龍蛇戰彭澤縣前江水  
流當年心事同悠悠解印那堪白日晚還家不負  
黃花秋吏人送酒方適意惠達更教蓮社醉中懷  
久矣齊死生一臥茫然失天地醒來興感歲欲殘  
金陵悵望空龍蟠獨賦荊卿聊寄意風吹落木江  
聲寒

餞別張逸人子書宿漳河旅舍

鳴鞭相送遠遊子北渡衡漳四十里春雪留人凍  
馬嘶晚風攪樹寒鴉起回首安陽第一橋野亭尊  
酒復中宵他年有意傳書札海鶴冥冥不可招

金閣寺夜同海公談禪

西來梵語自渾淪譯出文章恐失真從此諸宗轉  
岐路超然獨見竟何人金閣談禪坐永夕魑魅竊  
聽傍松栢慧燈不滅長照心門掩空山萬籟寂

慶雲上人歌

十年城市斷行迹秀拔峰巒暫登陟錫杖今隨猿  
鳥羣錦衣昔變風塵色滿窻松影一龕經說法夜  
深山鬼聽金界獨棲月晶晶玉枝已折春冥冥高  
眠石榻遠華屋不復膏粱祗盤藪心絕世緣涵太  
空身當禪定倚枯木東林誰識遠公流薈蔔花開

幾度秋自別王門歌舞地白雲清磬共悠悠

春江曲

望極蜀嶺雲愁深漢江水一派西來幾千里春流  
綠色映芳芷遙憶三巴遠遊子波搖郎影棹鳴時  
妾影徘徊郎不知

古怨

阿郎別家春草短蓮葉又歌清霜滿朱欄拂雲江  
上樓玉娘纖手弄鵝管奇調能令煙水白寂寞笑  
蓉失顏色老龍驚動脫明珠遽走團光留不得寧  
思河北邯鄲路門前舊種垂楊樹花飛恨不到天

涯倦鳥安棲共朝暮

示元寶禪師

短榻翻經坐朝暮門前一轉西方路月滿人間各  
自心天虛潭底誰能悟四十年來靜掩扉東林遙  
聽夜鐘微漸看禪子易衰老松杪白雲何處歸

晚坐槐庭同王明府師古各賦短歌以志

幽興

繁陰坐久日將夕孤鳥飛來此棲息雨滋苔徑交  
蒼痕月出槐庭破暝色一官寧辭百事勞琴彈白  
雪調彌高更期聯榻澄心夜天外松風萬壑濤

秋閨

阿歡出門行路長孤鳥易沒天茫茫鄰人別家幾  
消息半年京口與沅湘君不見芙蓉花開照秋水  
顏色盛衰空自傷江湖廬舍各修阻懸知有夢非  
故鄉物性參差復何訝馴雀記憶魚相忘燈下縫  
衣欲早寄剪刀一磨利且光好託便風吹到郎好  
託便風吹到郎

寄贈祝使君質夫長歌行

住宅因人多秀麗廣陵南控三吳勢淮流入海使  
君心楚甸帶山農父計綠上娑羅樹葉春李邕碑

石獨嶙峋書聲靜夜連諸巷機響寒天共四鄰  
今日訟庭閒鳥雀羣僚分理萬家樂晚來月出太行  
顛照見冰霜清滿郭

秋夜雨中述感呈王殿元允仁時寓普照  
禪院兼示無瑕上人

禪窻夜雨不成寐側枕微吟聊自慰老僧破竹編  
疎籬滋養菊花開也未葫蘆架底亂寒聲薜荔墻  
間浮濕氣安得九霄出月光北照帝城分象魏豪  
門秉燭各綵簀醉殺五侯并七貴明朝老僕畏衝  
泥却省探囊沽酒費欲過西林問寂寥煮茶不盡

澹中味

贈王別駕仲諧金陵浩歌篇

建業世居風俗古盛年游好誰相與石頭城影落  
晴波楊子江聲喧暮雨豪貴笙歌虛歲華即今禮  
樂幾名家日藹低浮杜蘅色春深半吐梧桐花鳳  
凰臺上青天近文物好談吳與晉北瞻形勝帝王  
州王氣茫茫殊不盡

柳州園亭宴集同孔老賦

郭北園林開洞府王孫又是青山主一杯雲影座  
中天半壁泉聲厨內雨掬水清心猶易醒竹陰聊



爾話丹經西河自有名家賦龍在深潭見地靈

雪中聞西巖西池二君遊東林禪院賦此

寄意

凍雲黯澹低關塞客路迷茫阻行邁水兼冰雪作  
銀河天散瓊瑤換金界誰知幻境此時同笑指乾  
坤問遠公更約蓮臺坐晴夜一輪皎月正當空

春雪柬左溪子

王孫每招重詞賦坐對山川秋欲暮鴉背夕陽醉  
後天馬頭涼雨歸時路我去三關一寄情今春又  
客太原城積雪滿庭人不到臥看說苑憶更生

苦雨歌送皇甫別駕子循之開州兼寄晁

太史君石

野田不雨經三春雨當五月何太頻山川蕭颯訝  
秋早鴻鵠翅濕不能伸層陰北擁黃龍塞憤氣南  
連白馬津泥深大道停車輪燕郊青草愁殺人况  
君謫宦久淪落離亭留賦殊傷神把看寶刀氣色  
動此行憂國華髮新更憶當年決瓠子武帝有歌  
垂漢史薊北旣今災異多試問太史將如何

送楊玉伯歸涇陽

鳳凰城南楊柳絲當春孃孃牽別離古人折贈意

偶爾至今千里傳相思風吹柳花正西去黃鸝喚  
春春不住落日關河悵遠人青絲白馬歸三秦壯  
士不歎功名薄獨將寶劒淹風塵有時大笑對樽  
酒七雄能戰不能守燕昭之策非遠圖空使黃金  
高北斗君才落落誰見知且向滄浪垂釣叟秋來  
水上煙雲重慎勿濯足驚魚龍

雨雪曲酬戴錦衣伯常見贈

窮冬雨雪白浩浩薊門萬木驚春早橫笛誰吹出  
塞聲梅花亂落關山道海雲不散寒悠悠客懷無  
那空倚樓有人忽贈陽春曲坐吟祛我羈旅愁風

流云是楚望子家在郢中四千里三十年來錦作  
衣天顏咫尺多清輝金闕門中鳴珮入玉河堤上  
搖鞭歸歸來對酒興不盡月明更奏飛龍引

賦得胡無人送李侍御化甫巡邊

絕漠黃雲浩莽莽層冰大雪幾千丈一夜壓倒燕  
然山白日不照北海上海色欲凍慘不流鯨鯢僵  
臥天吳愁胡風獵獵吹不休千山埋部落萬山失  
馬牛安得壯士彎弧射旄頭君王一怒靜邊塵使  
者乘驄當北巡行看勲業上麒麟倚長劒胡無人  
中秋寄南都馮戶部汝言去歲此夕會汝

言潞陽時警虜變感舊賦此

小樓獨坐悲秋光美人阻絕天一方叢桂花開欲  
同醉其如南北成參商燕塞干戈朔氣動秣陵風  
雨江濤長憶昔中秋潞水陽相逢月下傾壺觴金  
波可愛不可掬清宵宛在冰雪堂倚樹高歌起烏  
鵲星河欲落天蒼茫離亭向曉初分手歛見胡塵  
犯街柳驛路時時問捷書都城夜夜聽刁斗朝廷  
有意訪賢才將士于今嚴戰守募兵千里屯京師  
日散黃金無盡期海內誅求信不易艱難早晚君  
王知謝安高臥欲何補馮唐老來應自悲宦遊旅

食肉不見莽莽風煙各京甸昨聞寶劒賜嫖姚五  
都俠兒爭習戰上林鷄鵠秋一鳴北極浮雲日干  
變三吳凋敝若爲看何當疏奏明光殿

再寄沈參政敬叔

一騎飛去南陽城亂山不斷雲縱橫奔流觸石聚  
風雨七十二灣河水聲水聲清徹何人耳隱侯樓  
上正徙倚邇來宦遊梁楚間豐年稔歲關憂喜問  
君草疏當時心儼對神明瑣闥裏回瞻北極紫微  
垣落月鳴鐘宿鴉起歌枕遐思誰復同四海蒼生  
不寐中洛城有客自神會古今勝事歸豪雄不見

諸葛舊廬沒秋草誰臥煙霞空自老

傷劉羽泉總制

頻年楚越徵兵路能使秋陽破海霧旌鉞威中春  
萬家歌謠聲裏霜千樹當朝將才多壯圖或戰或  
守清江湖吳地千將氣猶盛接天秋色滿新都

送吳山人子充遊雲中

春寒攬貂裘蹀躞驅紫騮問君去何許云是塞門  
遊丈夫安肯棲故丘北向龍沙天盡頭蘇武城邊  
積雪滿李陵臺上孤雲愁二子杳然不可見神交  
千古心悠悠眼前陳迹增感慨彈鋏悲歌回素秋

燕然之山忽改色金河之水翻倒流風吹大荒落  
日慘胡雁驚飛不復留此時踟躕多隱憂百年意  
氣懷朋儔獨自磨崖題賦罷還來共醉長安樓

寄金廣文

漢廷誰復憐才子謫去長沙幾千里三楚寒雲過  
雁聲九疑春色搖江水騷人自古悲秋風黃陵廟  
前斑竹叢惆悵湘靈杳何處試聽瑤瑟月明中

雪中偶過李鴻臚東明宅留酌因懷盧太  
史濬卿劉少叅才甫王侍御子梁張戶曹

聚甫



前雪未消今雪來寒侵宮殿朝不開  
昆池凍合石鯨臥玉笛喚春催  
落梅白日遠迷涿鹿野黃雲低  
暗軒轅臺鐵甲如冰戰士苦  
城頭餓鳥啼正哀北風吹人僵  
欲死驅馬不動空徘徊道傍官舍  
何幽寂我亦山陰乘興客入門自  
拂謝莊衣開尊爲我破寒色中懷  
傾倒醉不辭春燈吐花向深夕同鄉  
朋舊各天涯綠鬢憂時誰易白宦情  
客計成睽違海雁江魚斷消息重來  
清夜益相思月明偏照燕京陌

送劉兵憲叔清歸覃懷

旌旗飛出黃塵隔父老攀轅留不得林中啼鳥尚  
含情天際浮雲亦改色歸種稻田閒賦詩寧忘南  
陌送君時聖朝何限山公啓誰似君心吾不知

馬上贈羅山甫

有客翩翩時並馬壯遊氣激風霜下胡笳聲斷盧  
龍天塞草寒深涿鹿野皂鵬飛從西北來彎弓欲  
射空徘徊聖代勲名莫輕取朔雲低暗黃金臺

梁園風雅卷二十二

梁園風雅卷二十三

謝四溟

五言律詩

武皇巡幸歌

二首

神武驅兵日南征氣赫然射蛟江水上立馬石城  
邊羽檄飛三楚霓旌拂九天功成凱歌夜月色送  
樓船

齊魯巡遊地蒼生見紫微晴雲隨鷁舫春水照龍  
衣柳畔千官擁沙邊七校圍觀魚移白日鼓吹月  
中歸

寄懷趙王枕易殿下

松桂兔園秋誰從帝子遊  
天風吹玉笛夜月見璫樓  
旅雁復南下官河空北流  
那知賦招隱昨日到滄洲

春宮詞

盈盈上陽女愁思起中宵  
月白璫窻靜花深玉輦遙  
曉霞憎國色春柳妬宮腰  
不見長門賦傷心有阿嬌

俠客行

家住渭橋邊追隨俠少年  
關雞輸寶劍逐兔落金

鞭日下長楸陌霜高太白天新從霍驃騎裘馬獨  
翩翩

秋野

地闊秋霜滿林寒赤葉稀野雲秋澹澹山日晚輝  
輝殺氣三河動邊聲一騎飛中原多猛士誰解晉  
陽圍

暮秋卽事

十見黃花發孤樽思不勝關河秋後雁風雨夜深  
燈留滯悲王粲交遊憶李膺相隨少年子走馬獵  
韓陵

寄張崇德

空庭黃葉下風物豈鄉關  
獨夜人南北流年雁往還  
亂雲低古塞積雨暗秋山  
爾亦悲搖落孤雲鬢欲斑

宿淇門驛感懷

駐馬淇門夕空堂暑氣徂  
暝煙官樹合寒雨驛燈孤  
濁酒聊幽興悲歌亦壯圖  
相違舊朋好三徑日荒蕪

登天壇山

直上斷崖懸崎嶇一徑緣  
白雲秋滿壑紅樹老參

天神護軒皇鼎靈通太乙泉何由結丹侶共此學  
長年

晚夏天寧寺對雨同殷正夫李于鱗賦

諸天忽風雨蕭颭動山扉殿冷鴿逾靜鉢空龍未  
歸晚留軒冕客秋到薜蘿衣後夜懷支遁遙聽鐘  
磬微

送杜太僕謫荊州

謫宦三千里誰憐賈傅才漢江秋月上楚岫夜猿  
哀心事登樓賦年光落帽臺知君最愁絕湘雁逐  
春來

寶慶寺見桂花

桂花秋正發禪院幾徘徊我愛淮南種今當薊北  
開清芬對祇樹金粟見如來幽興惟康樂東林夜  
不回

隆慶道中有感

馬渡黃雲塞鵬飛白草原兵戈連歲動霜霰入秋  
繁農業千家廢人煙幾處存中途有行子佇目亦  
銷魂

榆林道中有懷

秋風吹短褐長嘯過居庸羸馬有歸思枯蓬無定



踪山橫邊色斷日沒野陰重旅鬢成衰颯誰知阮  
嗣宗

北征

二首

朔氣犯征裘旌懸大漠秋亂山通驛道殘日照邊  
樓白骨幾年戰黃雲終古愁夜來烽火急驕虜寇  
并州

復選防秋將誰揮反日戈二庭飛檄動六郡俠兒  
多驅馬朝登嶺銜枚夜渡河奇兵斷虜後歸路聽  
饒歌

送曹別駕毅父之晉州

嗟爾恒山謫離亭且駐車  
宦情春草後行色曙星  
初桑梓淮南夢關河薊北書  
佩刀應自惜去矣莫  
躊躇

夏夜獨坐披襟當風頗有秋意賦此寄懷  
散髮南樓夜脩然披素襟  
蛩聲依草際螢火落墻  
陰老破當年夢秋生久客心  
遙思苔上石坐聽美  
人琴

禪林寺贈本無上人

步屨來金界鳴鐘落翠微  
松陰迴古殿山氣入秋  
衣身向諸天老心從初地歸  
後期薜蘿月寧遣夢

中遠

盤山晚行

日落山蒼然高林鳴亂蟬  
行人拾墮栗倦馬顧流泉  
秋淨石崖路寒深松壑煙  
遙遙見燈火欲借上方眠

盤山最高峰遲應瑞伯不至

仄徑高盤壁孤峰半插天  
人行飛鳥上袖拂落霞邊  
澗水寒逾咽山花晚自妍  
一樽遲儔侶松月向誰圓

送樊侍御文敘之金陵

地入維揚路天分牛斗墟秋帆二水外春草六朝  
餘冰雪生官舍風塵走諫書從來經國者寧不念  
樵漁

夜自西湖循甕山同玉峰上人步歸蘭若  
湖色冷春衣沙禽夜尚飛路隨山下轉僧伴月中  
歸祇樹藏金界禪燈出翠微他年謝靈運結社願  
無違

送悟真上人遊楚

不作雙林主今離猿鶴羣高縱何處定清梵幾時  
聞鉢貯洞庭月錫穿衡嶽雲應懷舊禪侶鐘磬坐

宵分

送張子畏使太原

六月皇華使千年白日陰雲連汾水關馬度井陘  
深大將防邊策明王賞士心茂先有雄劒夜夜作  
龍吟

塞上老卒

家在石壕村長征無子孫多憂摧鬢髮百戰集瘡  
痕日晚巡狐塞天寒戍雁門壯心時仗劒部曲幾  
人存

送蘇子長之塞上

九月雲中去鳴鞭路不遙從軍自王粲投筆有班  
超塞日嘶天馬邊風起皂鵬五都豪俠士寧負羽  
書招

除夕徐子與宅同宣允則得年字

客裏歲時遷還來醉此筵吳歌憐子夜潘鬢感丁  
年列炬明深院繁星動遠天宮梅殊有意更向早  
春妍

元夕道院同公實子與于鱗元美子相五  
君得佳字

長空月正滿遊騎隘京華夜火分千樹春星落萬

家乘閒來紫府垂老問丹砂笙鶴歸何處依稀見  
彩霞

憶王屋山

昔探王屋勝猶憶杖藜初野老窺丹洞山靈護寶  
書雲生苔壁暗松響石壇虛欲訪煙蘿子茫茫失  
舊廬

楊白花

多少宮中樹偏憐楊白花長風吹日暮春雪落天  
涯蕩子空相憶芳年謾自嗟月明愁不見啼殺禁  
城鴉

靈巖寺同許克之夜賦

何物澹相對蒼然獨象山心空諸色界月迴一禪  
關鐘磬夜深寂松蘿雲際閒偈成連榻臥無夢落  
人間

送許中丞歸關中

官起煙塵際身歸兵甲餘曉星隨去馬春雪上行  
車二水堪垂釣三峰更著書野雲應不散長繞杜  
陵居

暮秋東園餞別鄒子序

老大交彌重窮愁賦可傳對君猶故國嗟我異當



年砌冷蛩邊草霞明雁外天菊花留醉客秋色滿  
離筵

寄沈子剛

涼風吹短髮朔野正踟躕身遠艱危過才高意氣  
孤寒聲悲戍角秋色老邊榆俠少時相見藏名憶  
鏡湖

寄吳總戎子陽

黃鬢鄴下子威振北征年萬里能籌國三秋長在  
邊草枯馳馬地霜冷射鵬天燕趙多豪士論功誰  
更先

晚眺

寒日下西陵漳河晚渡冰孤城歸獵騎雙樹隱禪  
燈野眺心何遠巖棲老未能翻憐戎馬日愁思坐  
相仍

春日大風集馬雲從園亭有感

春風何太急野水忽波瀾天遠孤鴻落亭虛萬竹  
寒田園殊愛靜稼穡久知難百感逢今日蕭條醉  
裏看

走筆酬王賓相世祥

積陰無好況寥落度中秋雨濕他鄉樹雲昏昨夜

樓莓苔連砌滑烏鵲抱枝愁咫尺難乘興因思王  
子猷

北望  
五首

近聞京國報北望起遐思世道龍堪隱邊愁雁亦  
知宮雲忽變色御水漸流澌上苑涼颼急棲鳥不  
定枝

戎馬何時定愁雲直北看朝廷殊見遠將相各知  
難風亂邊聲急霜連兵氣寒中天問明月曾照漢  
家壇

十月嘶胡馬南來飲潞河論功自有定報國豈無

多霧擁宮門，隔星飛羽檄。過中興，見神武，不許郅支和。

鼓角昏黃過關山，太白高往來。驕虜數賞罰，聖心勞佚士。惟龍劔材官，幾豹韜城雲。自寒色時擁漢旌旄。

胡笳微幾句，御柳動蕭森。肝食三秋檄，宵衣九塞心。風霜偏氣慘，節鉞更憂深。近日天顏解，山河散積陰。

悼嬾雲上人

禪徑積莓苔，松風還自來。塔鈴空響徹，簷蔔但花開。

開燈失定時影爐存身後灰共知甘寂滅林鳥不  
須哀

照覺禪院同南泉西巖二君賦得天字

相約多幽事頻來有靜緣法雲高捧月祇樹暗藏  
天垂老堪投社無心自會禪誰爲息機者默坐弈  
碁邊

雲川書齋同雲洲諸丈留別賦得多字

六月期幽賞銀塘有芰荷詩從老年健情到別時  
多夜濕草間露秋橫天上河王孫共今夕郢調付  
雲和

七夕敬誠二君餞別得秋字

北斗挂城頭明河迴不流人間清露夜天上白榆  
秋聚散多岐路悲歡自女牛誰知老來拙回首故  
鄉樓

七夕裕軒昆季留酌賦得同字

織女渡河漢今宵誰見同從教鳳馭轉豈待鵲橋  
通庭浥三更露梧飄一葉風古來爭乞巧天意杳  
冥中

山中夜行

雞犬無聲處關山行路時中宵孤月出北斗半空

垂澗迴泉逾響崖懸石更欹停鞭一回首艱苦欲  
何之

中秋有感

客邊無節序吟嘯往時同故里苔三徑名園桂幾  
叢琴樽孤夜月朋舊各秋風坐對青山好蒼茫灝  
氣中

中秋夜登樓憶昭覺寺因寄德平鎮康安  
慶三王

勝事招提境羣才子建流人天各處夜仙桂滿輪  
秋圓缺應相感登臨每獨愁浮雲亦暫爾莫傍仲

宣樓

秋懷

東望太行路巉巖幾斷崖  
易歸千里夢難遣九秋  
懷夜色霜明樹寒聲葉滿堦  
著書思趙邸靜掩舊  
茅齋

無營

無營詩亦苦謾說有營勞  
鳥宿三更轉松涼孤月  
高客情疎晚計人事重  
秋毫我欲棲林壑忘言醉  
濁醪

十四夜無月



皓魄將圓夜張燈坐草堂孤城低雨色萬戶失秋  
光笛裏關山暝樓前煙霧蒼金波若滿地隨處有  
壺觴

夜登瑤臺

瑤臺當絕頂乘月一躋攀河嶽憑闌外星辰拂袖  
間身輕雲自度心遠鶴俱閒幾欲招仙子天風聽  
珮環

山晚

日落川原迴商歌獨放情千峰連暮色萬木亂秋  
聲流水相迴合閒雲自送迎人家隔煙浦燈火望

中明

同孟懷之錢子青酌白雲洞

古樹敞巖扉相攜傍翠微與高松鶴下坐久洞雲  
飛天地浮生老山林勝會稀不知蟬冕客白髮幾  
人歸

春閨

深院飛花急臨風祇自哀又看春色老坐使玉顏  
摧落月窺琴室流塵上鏡臺窗前有梅樹歲暮待  
君開

春歸有感

雨歇上林靜春歸東閣虛欲煩青鳥使遙寄美人  
書抑出宮雲外鴉鳴海日初只今彈鋏者不爲食  
無魚

送陸秀才歸華亭

九月清霜下三江白舫歸芙蓉寒始發鴻雁暮還  
飛自許同張翰誰憐滯陸機讀書滄海上燈火映  
林扉

登榆林城

憑高望不極天外一鴻過萬嶺夕陽盡孤城寒色  
多蘆笳滿亭堠羽檄渡關河遙憶龍庭士嚴霜正

荷戈

落花有感

花開驚節序，花落轉堪悲。  
物色殊無意，春風暗有期。  
蝶迴芳草徑，鶯度夕陽枝。  
獨有豪華子，青樓醉不知。

夜發忻州中途雨雪至原平驛有感

吾豈請纓輩，聊爲雁塞遊。  
夜行風雪路，老結古今愁。  
焰濕仍餘火，身寒只敝裘。  
僕夫相歎息，孤驛且停留。

東林寺夜集不與次西巖君韻

廬山在咫尺鐘磬落諸天不到真如地遙看香積  
煙輪蹄雙樹下語默一燈前欲問無生法衰頽獨  
慨然

京師大雨

夜來雨何急睡起問兒曹秋響門前水寒生樹裏  
濤素居鄰市井老計託風騷好爲衝泥去新豐貰  
濁醪

中秋夜南園同故人酌

不謁金張第相期松桂邊人須今夜酒月朗故鄉  
天歸思逢秋色狂歌度老年陰晴如可定早上玉

卷之三  
西  
峰顛

寄東平劉成卿 二首

有才官遽罷知爾國憂深涕淚看春草艱難返故  
林全生恩到骨獨臥夢驚心龍劒多靈異還疑風  
雨吟

爲郎信老矣獻策豈徒然生死酬恩日行藏抱病  
年交疎茅屋下心澹野雲邊湖水秋來盛時能訪  
釣船

薄暮趙戶部良弼官署西園同鄭山人中

伯醉賦

薄暮偶乘興開樽非預期野夫偏坐久庭雀故飛  
遲地拔羣松勁天成片石奇種蔬甘此味還使後  
人知

送范中丞堯卿鎮贛州

二首

朔雁催行色江天入望遙旌飛秋草岸船壓夕陽  
潮有賦思梁宴虛心聽楚謠霜威及嶺外千里瘴  
煙消

九月虔州去天南宿霧開揚帆生遠思秉鉞見  
才地轉三吳盡山連百粵迴夜深瞻北斗獨上鬱  
孤臺

答錫山華明伯寄詩中及盧枏事

有客緘書至新詩更一看  
氣回吳調別骨變楚騷  
寒河嶽嗟吾老江城見爾難  
三茅舊時洞誰與話還丹

達摩洞

長江折蘆後面壁此高岑  
祇樹抱巖古法雲垂洞  
深石存一片影天印萬年心  
徒使登攀客松風聽梵音

張德徵汴中見訪僕已過杞兩不相值  
相尋非預期乘興我何遲  
兩地琴樽夜同懷風雨



時苦吟燈自對良晤夢先知好共碧筒飲荷花香  
滿池

靜公園借居

欲覽匡廬勝衰年惜未能栖遲無俗侶幽寂共鄰  
僧禪定階前石心空夜半燈浮屠著靈異昨上最  
高層

寄陸太守子部

目極九江水誰傳雙鯉魚城當吳楚地天逼斗牛  
區懷古雲西駐求賢榻左虛郡齋梅正發歲晚意  
何如

哀江南

三首

爲說江南勝豪華異往年波濤揚子夕風雨秣陵  
天歲苦兵間賦春荒戰後田都門遲飛輓何處泊  
吳船

戰馬嘶江上寒生楓樹村新兵五都盡舊業幾家  
存共倚中朝盛誰將上策論梁鴻避世者寧復老  
吳門

華亭未奏捷烽火更西湖海艦賊來去天兵功有  
無人心多爲漢國計竟全吳野哭徵求盡蒼茫寒  
月孤

過故居有感

子故宅久  
屬王氏

飄零三十春下馬問比鄰相見弟兄老堪嗟門巷  
新行蹤猶泛梗世故一浮塵王謝豪華地殊非舊  
主人

贈別史郎中應之還張秋

二首

一見遽言別其如南北情君今何水部吾豈謝宣  
城帆影樹中出河流天際平誰無感懷賦兩地共  
秋聲

安平南去道官署在河潯一水風煙色三秋魚鳥  
心才高君柱石計拙我山林應念離居者蟲鳴蔓

草深

暮秋東徐別駕載卿

南征秋轉劇不寐夜漫漫白髮艱虞盡滄洲去住  
難旌旗連野暗兵甲照江寒選將須臾事誰能議  
築壇

寄塞上路監察子中

沙漠動霜威巡行久未歸眼中求將略意外得邊  
機日落馬南顧天寒鵬北飛莫令諸俠少爭獵向  
金微

才子中歸自荆楚具陳苦懷賦此以贈

柳花三十度嗟爾尚飄然愁臥湘江兩行吟楚塞  
天饑寒身不定兒女意長懸自喜殘裘在猶堪當  
酒錢

送許殿卿守建寧

移官君獨遠惆悵撤離筵山轉荆南路江浮蜀外  
天自能臨異俗幾爲問荒田到日梅花發春生五  
馬前

寄李僉憲師孟

楚客限王程春風遊宦情山連吳地闊天與浙江  
平烽燧勞東望干戈甚北征莫教終孺子獨爲請

長纓

劉侍御叔清擢守扶風賦此寄贈

旌節發河陽君行西路長心懸隴上月威帶日南  
霜入郡春隨馬談兵秋滿堂於今汲長孺易使鬢  
毛蒼

憶洞庭湖東漆推官

君家洞庭上靈秀見君才湖裏青山出城頭白浪  
回湘娥還倚竹楚客漫登臺爲說巴陵勝西南雲  
霧來

懷李仲學罷官還北海

江南疲戰伐封事更誰論霜入多愁鬢天餘不死  
恩教兒書滿案謝客草侵門非復獨醒日何妨開  
綠樽

贈包明府起春

青雲南國彥百里試才初賦稅多憂色聲名一薦  
書訟庭春雪滿官舍古槐疎深夜無人見鳴琴窓  
月虛

張叅政仲安進表還蜀九日過鄴失會賦  
此贈別

北上千秋錄西歸萬里橋黃花空有約綠酒不同

宵樹擁秦雲斷山懸蜀棧遙艱難杜老在莫謾簡  
書招

送陳僉憲子羽北伐

長郊停騎吹荒寺送君情春草初南下秋風又北  
征軍容肅雁塞劒氣壓龍城遙看燕山雨蒼茫一  
洗兵

寄懷許伯誠

發軔遼陽雪還家韋杜春客疎門自掩官罷酒相  
親白首歌今代青山夢古人行藏不可問獨鶴下  
西秦



寄贈馬別駕伯仁入京

白社幽期阻君今向紫宸當憂多事老轉餉一官  
貧碣石天餘雪滹沱水自春月明時顧影猶憶舊  
綸巾

人日感懷

新歲偏多感新詩不可無陰晴人日過江海客星  
孤春興梅仍發鄉心雁一呼酒杯堪自慰時復遣  
兒沽

懷李應乾滿時乘

別來思二妙望望各風煙山暗五丁路湖明三泖

天報書憑蜀使乘興待吳船共對清秋月誰能不  
悵然

寄王蘇州

欲定蒼生業還從舊俗看憂來寧在遠亂後益知  
難理郡春雲動論兵海日寒吳中諸父老相見問  
加餐

關山月

皎皎長空月星河半有無光連玉關靜寒傍雪山  
孤沙雁時懷斷林猿夜嘯呼征人增百感把劒立  
平蕪

明妃詞

鳳闕虛歸夢，龍城重達愁。  
黃沙連塞起，黑水入荒流。  
淚盡琵琶夜，魂消感策秋。  
誰憐萬里外，風雪滿貂裘。

春閨詞

楊柳正啼鶯，楊花飛滿城。  
春風天外去，落日海西明。  
逸氣搖金轡，豪華戀玉京。  
不知遊蕩子，曾念百年情。

春夜觀妓

有美青樓子，嬌歌駐彩雲。  
月低桃葉扇，風動石榴裙。

三  
裙羅薦含春暖華燈照夜分重翻白苧調幽怨不  
堪聞

寄懷蘇廷珪先生

勾漏辭官早丹砂不易成門關二水合天遠一鴻  
輕爲客幽期過悲秋白髮生菊花誰共采風雨獨  
含情

碧雲寺

羣山開寶地策杖獨經過石洞猶冰雪巖泉更薜  
蘿觀空塵慮盡垂老勝緣多安得支公侶相從老  
澗阿

送唐儀部還瓊州

多病言歸去孤舟祇素琴  
海天南盡處燕闕北來心  
秋老下榕葉沙寒鳴翠禽  
賦成應有寄惆悵嶺雲深

李行人元樹宅同謝張二內翰話洞庭湖

三首

聞道洞庭勝南遊獨未能  
望中迷楚岫圖裏見巴陵  
櫂擬高秋泛樓期明月登  
何當吹玉笛聲度白雲層

詞客家何處西南是岳州  
地連湘樹闊湖共楚天

浮極目風煙夕驚心鴻雁秋君山更奇絕應待子  
長遊

南望岳陽郡蒼茫吳楚分帆迴孤島樹樓出九江  
雲落日浪中沒秋風天外聞何時采蘋藻湖上弔  
湘君

送朱邦憲還上海

送君不可住霜露滿幽襟醉後登樓賦天涯抱玉  
心江門開曉色海樹帶秋陰歸去鶴亭上遙聽吳  
會吟

居庸關

遙遙度關塞策馬正西風  
驛路泉聲裏人家嵐氣  
中霜餘澗草歇日上石林  
空多少長征客高秋感  
塞鴻

送趙元哲下第歸東阿

久客山中夢孤懷月下歌  
青雲期賦就華髮感時  
過龍劒閒星斗魚山靜  
薜蘿東歸訪黃石吾道  
欲如何

陳駕部錫卿來自錢塘舟次臨清適有汀  
州之命貽書見懷用荅

二首

往年君別處梧葉正秋彫  
猶憶琴樽約曾同風雨

宵寒空鳴雁急煙浦去帆遙猶有天南夢相隨度  
海潮

使君遙領郡相對復何年海樹曉行外江籬秋思  
邊城臨百越地帆盡七閩天見說春風早梅花可  
更傳

夏夜集孫負外文揆宅得天字

深夜移官燭清風敞客筵鐘沉漢苑樹月度薊門  
天我愧謝莊賦人稱孫楚賢何當碧筒飲醉向北  
窻眠

送趙少尹文甫之華陰



燕市離歌動殊非故國聞清樽聊共我黃髮更憐  
君縣隱潼關樹堂流華嶽雲不知松月下誰與坐  
宵分

山行有感

地僻逢人少同行自有羣幾多山脊雪一片馬頭  
雲古木叅天出寒鴉薄暮聞可憐春草發誰爲采  
幽芬

崔千兵見過走筆賦贈

白晝雁門肅材官今見君雕弓半月影寶劍七星  
文班馬依山草孤鷗出塞雲憑高殊激烈笳鼓夜

來聞

留別陳太叅粹中

征驂聞早發客自塞門歸  
天暝烏樓樹城寒雪擁  
扉美人仍兩地春夢不相違  
獨賦關山月茫茫共  
素輝

留別正莊主人

高樓非故國臨眺旅愁生  
風雨三秋過山川幾賦  
成王孫別後路芳草望中情  
何處偏相憶霜空雁  
一聲

汾村詩

村居在何許汾上有些扉每約詞人過寧教幽事  
違林巒澹遠色雞犬靜斜暉秋水濯纓罷心閒雲  
自飛

送薛逸人歸荆南

河汾春色過此別路三千旅夢關山月鄉心風雨  
天馬歸湘竹外城對楚江邊去住何須歎荆王自  
下賢

北園同孔老賦得風字

悠然雲在空此意許誰同身出勲名外心歸恬澹  
中高樓偏夕照深竹自涼風試問今秋興還添菊

幾叢

秋雨宿權店驛有感

驛燈分暝色野館滯秋陰已倦衰年事偏馳故國  
心夜涼槐雨滴月暗草蟲吟歸夢不知路千山雲  
更深

寄左鑑麓計部

坐理臨官署回瞻即帝京千帆落暝色一水送寒  
聲自古邊儲重何時國稅輕關河正冰雪感慨獨  
含情

九日寄懷田夢鶴兵憲

別後幾重陽。停雲渺帝鄉。登高同節序。垂老各行藏。夕鳥安庭樹。秋光照野塘。何時問幽寂。歲杪正冰霜。

寄史鶴峰方伯

憶昔河洲別。揚帆北去情。秋深鄴下路。雲渺范陽城。雷雨龍千變。林臯鶴一聲。吟詩老何益。山嶽仰勲名。

中秋夜潞陽旅館同馮員外言別得分字  
客亭逢此夕。樽酒況同君。月向中秋滿。人從上國分。絳河斜度影。白雁遠呼羣。回首淮陽路。相思隔

海雲

秋日卽事 三首

八月邊烽起燕關入犬戎檄飛三輔道氣激五都  
雄戍角寒雲外城烏夜色中不知枕戈者愁絕竟  
誰功

燕趙多愁日兵戈未定時交遊疎舊社僮僕問歸  
期驛路當秋斷胡笳帶月悲曉來驚旅鬢更益鏡  
中絲

何時偃甲兵多難滯燕城寒館下桐葉秋風吹雨  
聲賈生今日淚宋玉昔年情共有龍庭策誰高麟

閣名

九日集徐郎中汝思宅得孟字

連牀留昨夜九日復筵開  
白髮愁中賦黃花亂後  
孟霜兼宮樹變雁自塞門來  
賴是同心者深知庾  
信哀

對菊

東籬何寂寞不似去年秋  
菊帶淒涼色人經離亂  
愁風庭寒影動霜院晚  
香流客裏重陽過悲歌猶  
未休

秋夜

不見同懷侶悠然獨夜思風淒聞角處月落倚樓  
時計拙陶潛酒心憂阮籍詩千山芳蕙歇策杖復  
何之

芳樹

芳樹花爭發嫣然故向人相看終日嬌一摘暫時  
新影落金塘水香飄玉砌塵傷心有琴瑟寂寞漢  
宮春

寄吳山人擴

朔塞曾驅馬衝寒亦苦辛黃金身外物素髮鏡中  
人海鶴天容老江梅雪護春吳姬歌白苧酒興幾



回新

寄靳太守子魯

花發上林時君行我在茲三春不相見千里自同  
思白髮留燕市青蘋寄楚祠郡樓應獨眺未擬北  
來期

寄趙總戎公僕

聞道干城將頻年未解顏身危征戰後名定是非  
間海月窺龍劒沙雲接雁山誰憐趙充國白首臥  
榆關

夜集孫郎中文揆宅賦得待月

關山不見月玉笛未須吹水暗魚龍窟雲深烏鵲  
枝開樽成露坐作賦待秋期還擬梁園夜邵枚况  
在茲

秋夜同應駕部瑞伯宿三河驛得宵字

荒村回遠火古驛駐征輶蓬鬢人間老萍蹤薊北  
遙繁星耿秋漢鳴柝亂寒宵忽憶山中桂清霜葉  
又凋

石門秋夜有懷

歇馬空山夕勞歌塞上歸野霜明古劒峽月冷秋  
衣坐裏蛩蟄亂愁邊烏鵲飛酒杯時在手不與故

人揮

送呂試官宗夔入蜀

西蜀有楊馬君才當此行幾年懷勝迹今日慰平生  
生地入黃牛峽江連白帝城停驂勒銘處獨見古  
人情

暮秋同馮直卿秦廷獻李士美遊黃花山

三首

太行秋色老步屨一探奇草白高歡殿山空王母  
祠飛泉堪倚杖落日尚揮卮松外浮雲去幽人意  
獨遲

高崖翻榭葉白日雨聲寒共愛秋山好其如芳蕙  
殘亂雲藏怪石空壑下清湍底事林間鶴棲棲刷  
羽翰

深入黃花谷高臨玉女臺迎人千嶂出隨意一樽  
開寒露垂瑤草秋風掃石苔子長耽勝絕猿鳥莫  
相猜

宿黃花寺

橫野千重壁飛空百丈泉松門臨巨壑石閣架長  
煙月下惟清梵林中有靜緣此心元不染秋水照  
青蓮

春日遊清涼山東孟德用

沙暖青蒲出山晴碧樹分琴樽閒傍水杖屨獨披  
雲曠野流春氣高峰駐夕曛芳時不可負寄語孟  
參軍

題背面美人圖

無那琵琶曲重彈調轉淒自傷傾國色故作背人  
啼太液秋光冷長門夜月低流鶯何意思飛過掖  
庭西

懷仙吟

海上安期子飄然與世違三丘來采藥萬里躡雲

歸山鬼窺丹竈鮫人識羽衣相從渺何許秋月見  
餘輝

塞上曲

百戰多枯骨秋高白草深飛鵬盤大漠嘶馬振長  
林伏虜天王力封侯壯士心華夷自有限邊徼莫  
相侵

寒食

旅次驚寒食流年鬢有華春風吹燕子初日照梨  
花丘壠天邊淚江湖夢裏家古來詞賦客拓落但  
長嗟

南巡歌

大道軍容肅中天王氣高風雲隨鳳輦日月動龍袍  
綠野開三殿黃河集萬艘竟陵恐遲暮原廟薦櫻桃

題何柏齋侍郎山居

茅宇依泉石遊心自太空簷垂松葉露門掩稻花風  
世故端居外天真獨臥中平生愛疏廣今古幾人同

憶征夫

涼秋益愁思飛夢度金河朔野塵沙慘窮邊烽燧

多霜晨應躍馬月夕任橫戈功業歸都護長征奈  
爾何

北塞

朔漠匈奴遁長城候騎還丁男空郡國甲士壯邊  
關玉劒橫霜冷琯弓抱月閒于今多上將談笑定  
天山

春日都下言懷

煮藥花朝過中宵坐黯然樓空萬井月樹合九門  
煙多病還詞賦孤懷且歲年滄江有白鳥來徃釣  
磯邊



夏日崔西峨宅同張水部德揚醉賦

日暮重門寂風涼獨樹斜一樽元亮宅萬卷子雲  
家白石垂蘭葉清池出藕花水曹同取醉庭宇落  
殘霞

遊翠巖七真洞

一攀靈秀處松映石門清虛抱冰霜氣幽含神鬼  
情碧天孤鶴下蒼壁細雲生髣髴來僊客空山鳳  
吹鳴

宿玉泉寺同郁子和姜子學

有客同高趣珠林取次攀松聲寒暮閣月色淨秋

山四大空虛裏三乘浩渺間  
野雲時聚散浮世幾人閒

古意

南國動幽思春洲蹇綠芳  
九疑雲物夕帝女怨瀟湘  
華月照瑤瑟靈風吹綺裳  
那知苦調罷楚客立蒼茫

野興

白日霜凝地飛飛雁度河  
孤峰依漢迴老樹得秋多  
月曉山精伏時清野父歌  
短筇隨我意一徑入煙蘿

古怨 二首

高樓俯江樹樓上有蛾眉舊約空成歎新愁可訴  
誰春閒翡翠幕月冷杜鵑枝蕩子復何處楊花無  
定時

楊花日飄蕩能復幾何春遠道寧知妾流年不待  
人片雲橫上國獨鳥下西秦無奈懷君意清江采  
綠蘋

登城有感奉寄江寧王懷易

野風吹客袂感慨一登城孤鳥日邊沒大河天外  
傾年華悲杜甫世故老虞卿龍劍應相合雲霄無

限情

寄李水部伯齡

移官向南服詩思益春容  
魚鳥何時到江關有夢  
從天清楊子樹日暮秣陵鐘  
把酒應相憶秋雲隔  
萬重

秋日洹上書懷

水邊沙草合林外石橋橫  
雲漫三秋色河流萬古  
聲野花欺老鬢村酒勝浮名  
我愛桐江叟漁竿不  
世情

同李元博攜酒訪岐南道人

共向東園酌葫蘆秋正花千畦散流水萬木帶飛  
霞碧海仙人島玄都道士家未應騎鶴去聊此話  
丹砂

懷玉清閣

紫閣登臨處秋光入品題窻吞河嶽盡簷壓斗牛  
低客路孤城外仙壇萬嶺西浮丘分袂後望斷白  
雲梯

懷紫微宮

斷山經過處三十六迴泉石樹迎華月瑤宮帶紫  
煙異香猶入夜飛馭儼橫天借問丹臺上于今復

幾僊

懷香山寺

曾識京西路名山梵帝家殿高千嶺樹地落半天  
霞空外鐘聲徹雲邊塔影斜老禪相對處笑指白  
蓮花

秋況

地闊蒼煙暮天空白露秋鶴鳴非有意龍蟄自無  
求日月催雙鬢江湖任一舟騷人起遐思獨倚仲  
宣樓

清曉

清曉復何向出門風颭然烽煙三晉地霜露九秋  
天禦虜誰長策談兵自往年俠兒亦解事仗劒欲  
臨邊

送劉僉憲才甫北伐

七月邊烽動三河兵氣揚乘秋發猛士計日縛名  
王劒倚胡天迴旗連海霧長燕然一片石終古有  
餘光

送杜敬夫有事顯陵

匹馬飛千里孤帆截九河天南郢州道月下楚人  
歌陵廟楸梧冷江城雲霧多萬年帝靈在神鬼護

山河

詠鶴送華亭張給事之南都

華亭有孤鶴毛羽雪霜清松下自成舞琴中誰寄  
聲三山明月夢萬里赤霄情芳杜時消歇秋風聽  
爾鳴

送欽水子辰之沛中

清標憐水部南去意何窮樹色分淮甸河流見禹  
功亂帆春草外古堞暮雲中感慨登臺處蕭蕭起  
大風

送徐比部汝思使蜀中

三首



徐陵復此別驛柳重須攀詔發雲霄上春生巴蜀  
間錦城通二水劒閣擁千山定有登高賦乘秋使  
節還

試發酉陽書還探丙穴魚昔人不可見秋興欲何  
如巫峽雲生夜巴江葉下初啼猿正淒斷山館獨  
躊躇

春草徧三川征軺入蜀年棧通星使路嶺斷夜郎  
天關塞雙旌轉風霜一劒懸勞歌對明月江上幾  
回圓

和王比部元美喜濟人盧枏寃雪之作

春從鄒律動近得破愁顏心事孤燈下年光萬死  
間賦成餘白髮身在有青山共爾煙霞約飄然去  
不還

送蔣判官子重之泰安

策馬齊中路行當佐郡憂城連岱雲起地接海天  
浮賦稅徵兵日星霜報國秋有懷時北望寒雁下  
河洲

送悟正上人遊楚

杖錫復何處楚天雲萬重乘風下江漢截浪制蛟  
龍鉢貯洞庭月衲懸衡嶽松歸來舊蓮社南北見

禪宗

秋夜宗子相宅賦得君字

獨嗟蘇李後作者自紛紜得失何時定輸心此對  
君禁鐘飄萬井海月度層雲且復同尊酒狂歌向  
夜分

章景南署中對竹

誰種此亭竹當樽一問君相看成野意自覺遠塵  
氛幽色霜前見秋聲月下聞醉來堪隱几清夢入  
湘雲

送劉推官子禮之平陽

人憐燕市別才羨洛陽奇春色迎驂動民情到郡  
知天低姑射嶺雲抱帝堯祠幾爲看汾水東流寄  
所思

吳舍人明可徙居同徐子與劉子成二比  
部夜集得書字

仙郎近卜居幾乘載圖書鄰里通名後牆頭過酒  
初漏沉丹禁遠燭動碧窻虛補袞才無暇明朝向  
石渠

春日過山村漫興

何物清人思西山對郭門漁樵春草路雞犬夕陽

村水動煙霞色沙留杖履痕向來樗散意一醉任  
乾坤

雨中憶陳光祿園亭

西望秋陰合衝泥誰訪君石階鳴驟雨池館帶濃  
雲樹影水無定棋聲人不聞莫言晴色好底事日  
紛紜

同鮑叔愚鄧廷獻二明府同觀太乙泉流觴

靈源噴薄處並駕遠看來野鳥夕爭下山花寒自  
開流觴綫曲水倚杖半巖苔秋興能同賦誰齊潘

岳才

暮雨過李貞守解子及二廣文宅

二館閉終日雨多秋草長官閒同俎豆道在各文章  
劒閣千山轉昆池天一方家書雁不到相伴幾  
星霜

元夕西池君同過昭覺禪院漫賦

新歲期良夜來登會法堂天花塵不染貝葉道何  
長片月分諸影千燈共一光朱門多醉客春意在  
絲簧

聞馮大參汝言過長子寄懷

征驂過長子傳是小馮君落月殊相憶鳴鴻各自  
聞人經雨春草路隔幾山雲昨有晉陽夢焉知勞  
夜分

東南泉君園居

幾日違禪宇遙聞鐘磬音誰同賦詩興自定奕棋  
心雨歇亭臺爽煙含花竹深眼前幽意足清曠亦  
山林

暮雨有感

西來一片雨遽作萬家秋寒逼今宵夢聲牽故國  
愁城高斷鐘響野曠溢河流秉燭貴公子仍耽金

谷游

漳河有感

行經百度水祇是一漳河  
不畏奔騰急其如轉折  
多出山通遠脉兼雨作洪波  
偏入曹劉賦東流鄴  
下過

梁園風雅卷二十三